



葛莊詩鈔

丁卯

遼海劉廷璣玉衡

一字在園著

卷八

海門望海

極目浩無際風潮頻往回乾坤何處盡日月此中
來老蚌含珠臥文魮吐霧開太平傳盛事重譯到
天台

海門渡江宿大汾時遷棄初復人民稠密書
以誌喜

雙峙雄關鎖一門片帆飛破晚潮痕數千里外全
通海十五年前未有村到處情閒山色靜中宵夢
斷水聲喧餘氛掃盡歸來好鷄犬桑麻萬姓屯

渡椒江

滾滾長江客問津扁舟反側勢將淪存心盡似風
濤裏世上應無作惡人

檢田至杜橋

喜從遷棄後農業漸知還禾滿高低路煙生遠近
山官卑偏事冗欲寡自心閒一盞花村酒行春暫

此間

道上偶成

東風吹過石橋齒峭壁橫空去路迷只自香花隨
地發不知名鳥遍山啼白雲何事飛成雨芳草都
教踏作泥我欲尋春春欲老一壺村酒客心淒

桃渚題殿颺署壁

何緣裘帶日從容殲盡鯨鯢大海空鐵騎春猶盤
鳥道樓船夜不走蛟宮窗栽疎竹悠然碧砌長新
花自在紅有酒盈尊書數卷荒城閒老一英雄

老松吟

老松清且古，遍體長藤蘿。骨節吸流水，鬚眉澹巖阿。爲餐霜露久，乃歷歲月多。人生百年中，此身費琢磨。所以古人言，壽可補蹉跎。逃心有鳩毒，伐性有斧柯。少年一狂縱，精力如逝波。北邙一片地，容易送殘疴。蟬蛸與朝槿，視彼竟如何。

雨中過花橋寺

數聲清磬午時煙，山色空濛海氣連。雙屐踏殘雲漠漠，一蓑披重雨綿綿。老松出徑龍蛇走，怪石當

門虎豹眠。趺坐燈前僧白髮，向人指點話桑田。

春晴

長風吹宿雨，萬井落花飛。春去憐紅瘦，雲收見翠微。一帘村酒熟，三月海魚肥。唱罷淋鈴曲，披襟對夕暉。

僊巖

四月山寒花後開，停車花下一徘徊。乘興攀蘿上絕頂，上有古洞生青苔。長風習習吹暮林，白雲多處少塵埃。兀坐山頭一片石，詩情畫意兩悠哉。相

逢樵子忽大笑此地何緣有客來

廣潤寺

寺在海遊之瑞雲山先因海濱遷棄荒廢已久近得幻上人重新之

何處疎鐘帶雨撞白雲深護老僧窗浮盃海上鯨
鯢靖振錫山中虎豹降春去殘花飛翠嶺夜來明
月渡緱江十年烽火渾多事依舊香煙結寶幢

經故侯廢宅

侯門當日敢輕敲一夕繁華水上泡朱履三千容
易散金釵十二等閒拋粉牆半為藤蘿鎖紅樹全
經鳥雀巢回首可憐歌舞月夜深唯上埜花梢

有懷

獨坐名花獨把盃一痕新月下樓臺夜深不閉重
重戶恐有幽人入夢來

桐巖雨中曉行

空山一榻旅魂驚聽盡滂沱徹夜聲起視飛泉峯
頂落行來深澗馬頭平敢云跋涉勞王事為憶清
閒冷宦情此際幽人茅屋裏曉窗春夢不分明

過何明府山莊

幽居今始到萬綠草堂深勞吏方奔走先生只醉

吟遠山含畫意流水奏琴音不問城中事閒雲共
此心

欲遊華頂不果

青山樵子白雲僧應笑風塵面可憎天下幾多名
勝地宦遊人半不曾登

途次和壁間韻

慚愧無才理亂絲暫將清興寄花枝海濱風起漁
歸早雨後天長鳥去遲下馬頻沽村舍酒登樓聊
和主人詩年來閱歷風塵老故國河山有夢知

檢田事竣再疊前韻

奔走塵氛鬢易絲書生羞假上林枝維舟柳岸風
波少按轡花村道路遲五夜夢隨孤島月三旬歸
剩一囊詩山中冰雪壺中玉惟許煙霞逋客知

蠶詩示內

陌頭日日採桑頻燈下絲絲出苦辛同着綺羅三
十載今朝纔識養蠶人

孩兒患病口占寄之

人自關心爾未知乖張猶是少年癡於今始解嚴

親意二十年前我病時

題蜀道圖便面

萬點尖峰萬點煙有人騎馬上青天若非公事勞
行役定是征夫遠戍邊古木橫撐殘暎裏荒城高
坐白雲巔座中恰對鹵川客道似家鄉在眼前

夏夜邀諸同官湖上宴集限韻二首

水閣雲陰暑氣降香風拂拂小船窗岸花待客題
湘管林鳥催人倒玉缸淪落東坡才第一淡濃鹵
子貌無雙邀君共醉湖中月好聽疎鐘五夜撞

半帶江城半繞山晴湖一棹碧潺潺畱同明月舟
中住撐向荷花逕裏還絃管夜深能寂靜風塵人
暫得清閒一聲長嘯東方白檻外波光濯酒顏

五日遲別駕邀同劉都督諸公東湖較射

各挽強弓讓後先彩虹橋畔綠堤邊眼隨雲裏雙
鷗落心在林中一虎眠豈愛蒲觴偏自飲爲輸楊
葉未曾穿諸君珍重封侯骨撐住三台半壁天

伏日寓武林

脫盡衣冠坐綠苔恐教溽暑釀成災已無日色風

猶熱空有雷聲雨不來乳鷺低徊新水閣嫩篁憔悴小花臺消愁客裏唯憑酒揮汗難禁酒數盃

剡溪舟中

十旬碌碌道途窮纔出稽山又剡中小艇正宜三尺水破帆斜受半邊風驚人沙鳥橫空白帶兩岩花隔岸紅焉得身輕閒領畧謝安踪跡在溪東

在剡之東

丁卯五月三日奉

詔向以用兵旗籍暫停

科目今太平已久仍一體應試因賦二首

志喜

三藩餘孽易消磨

聖主明堂奏凱歌數載武功

垂簡冊

新纂武功告成

一朝文運起巖阿詩成珠玉遵唐

制

近考漢軍俱賦詩

策對天人仿漢科共沐盛朝深鼓舞

揆天才子較前多

三北歸來志不堅十年空負一燈寒也知畢竟逢

今日何事匆忙就此官老驥有心悲伏櫪佳人回

首獨憑欄殘編斷簡勤收拾付與兒曹仔細看

余三 走棘闈不第停科後以門蔭僅除郡丞今讀恩詔不覺飄然自海矣

山僧

寺在蒼松翠竹間
偶因避暑叩柴關
清風一榻雲雙屐
分得山僧世外閒

夜行卽事

輕輿不問夜如何
兩日王程一日過
舟子打魚頻照火
邠兵畏虎急鳴鑼
荒村樹老經霜久
埜岸沙平得月多
纔一憑軒容小睡
分明身到故山阿

題傅氏節烈傳後

正氣危如綫
斯民孰與留
試看閨閣秀
眞令古今千秋
羞濺血膏青
壤完軀
墓碧流吁嚙
三淑節彤管紀

六月望後三日天台道中喜雨

柴門老樹數聲鳩
一夕農夫釋舊愁
日上雲濃疑未曉
山深風急冷於秋
筍輿客惹花村犬
箬笠人驅綠犂牛
溼遍衣衫猶色喜
嘉禾莫莫黍油油

閱陸放翁集有門如村舍強名官之句戲占

二首

門如村舍強名官
堪笑寒生依舊寒
一枕閒窗山

色靜半堂斜日鳥聲殘
吏人偶到常無語
案牘雖呈頗易完
昨有家書報親友
荒城正與不才安
門如村舍強名官
檢點行藏獨倚欄
俸薄有時賒酒醉
日長無處借書看
風生海上秋來早
山在城中雨後寒
清夜勝人唯一事
不驚心得夢魂安

七月既望復有餘杭之役先一夕賦此

竟不得安居風塵數月餘
新秋方枕席明日又舟車
薄祿全供酒行囊半是書
錢塘六百里渺渺獨愁余

王程

髀裏於今肉不生
半年終日在王程
投多塾店先知姓
走熟山村半識名
兩過晴峰分夕照
風吹高樹落秋聲
少年豪興還依舊
網得饑鷹手自擎

旅夜

雁陣驚風起松聲帶雨涼
夜深人不寐秋意滿匡牀

兩後卽景

深秋人在萬山中
滴滴寒花雨後逢
亂石小橋遊

子履長林斜日老僧鐘雲飛天末過蒼狗泉落峯
頭掛玉龍檢點一年今九月征衫沾盡露華濃

男

均
培
全
校
字

葛莊詩鈔卷八
終

葛莊詩鈔

戊辰
巳巳

遼海劉廷璣玉衡

一字
在園著

卷九

枯蒼嶺畱別台州同事諸公

嶺在青雲第幾層人從嶺上忽飛騰
兒童騎竹新官道父老簪花舊郡丞
抱屈君言殊太過虛懷自問本何能
聖朝有道臣心愧仍許山城食斗升

僊都

相傳為黃
帝昇僊處

有客凌風下枯蒼枯蒼深處白雲鄉
但看山水真

幽異一說神僊便渺茫鶴老不知人歲月松高曾
歷代興亡古今多少來遊者石上模糊字幾行

遂昌縣曉行

做車羸馬舊羔裘又向寒山頂上遊日出霧間圓
似月江流雲外大如溝誰家引水春新穀到處編
茅補破樓薄祿驅人閒不得連宵風雨僕夫愁

卽事

從未見雙旌窮鄉處處驚聚觀村婦語長跪埜人
迎樹帶深秋色鴉多落日聲停車山又晚土屋一

燈明

下灘二首

今朝容易到山城風急灘高水不平人立船頭篙
亂點一峰飛送一峰迎

不是沙灘是石灘石藏灘底更巉岈莫言順水皆
佳境上處雖難下亦難

江樓

小停奔走小躋攀瀟灑江樓遠市闌常過門惟容
綠水一開窗便有青山鳥從亂石林中没人向斜

陽渡口還倚遍闌干呼濁酒由來楚性愛清閒

嚴子陵釣臺

任爾中原作戰場釣臺深在水雲鄉喜逢故友重
興漢誰記先生舊姓莊夢寐偶然非是傲乾坤定
矣更須藏一竿依舊灘頭月長照原陵州樹荒
光武

葬原陵

錢塘觀潮

滾滾長江去復回蛟龍飛處響如雷萬千人盡回
頭望一片銀山駕海來

處州雜言八首

城裏荒山城外溪可憐今剩幾殘黎十三年遇兵
戈擾八丈波同石柱齊
南明山石柱高八丈廿五年水與之平官舍
夜深常過虎人家日午不聞雞招徠半是閩中客
代種三春雨一犁

不通車馬不通帆半住風林半住巖臘月有時衣
尙夾貧家終日食無鹹謀生沙裏三斤鐵治產雲
中數畝杉誰信浙東有此地儘教淚溼舊青衫
荒涼滿眼費經營羞說三年政有成八九人充童

子試斗升米上訟堂爭秋常疊石修新堰夜旋陶
磚補破城寂是一番心事苦枯蒼門外草縱橫以時

積荒請蠲未遂所願

但可人耕嶺上田一層高比一層難連宵有雨溝
全沒幾日纔晴土又乾地已困窮偏信鬼俗尤頑
稔不尊官我今更與賢侯約只作兒孫一樣看
登高無地不凄然嶺下桃花別有天客貨偶然經
麗水海潮從不過青田吏人落落清晨散案牘寥
寥白晝眠聊以解憂詩共酒翻稱太守似神僊

俯仰山川憶昔時少微獨暎一星奇因少微星暎故名處州

布衣著作千秋史宋尹起莘上綱目發鐵瓦功名

一代師明劉基青田人封誠意伯高下有情峰疊疊迴環不盡

水遲遲乾坤依舊鍾靈秀繼起英豪近是誰

簷前高柳一旗風破屋初添瓦一叢臨水幾枝修

竹淨隔籬無數堦花紅村中昨夜迎新婦市上今

秋有醉翁不怕催租人又到收成頗比去年豐

為邦自古忌因循獨駕熊車問俗頻曠是前朝開

做政寇緣內地隱奸人桑麻但得農夫樂蔬水何

高莊詩金
四
妨刺史貧况有俸錢堪奉母與民同慶太平春

讀宋詩有作

頗覺新來得句遲案頭幾卷宋人詩最真切處誰
能道極現成中世共知山水之間生妙景性情以
內有佳思諸公雅意開生面不向唐人後補遺

逢漁者

何處是漁家遙指溪邊屋釣罷晚歸來船頭濯雙
足

旅夜不寐

冷月當窗白風多樹不平僕夫心事少投枕卽鼾
聲

答闕下諸親友

問我情懷佳不佳風塵原不比清華秋因多病常
辭酒夜爲無眠并戒茶但得心閒仍索句每當事
冗卽思家宦情頗覺年來懶未敢勞君報及瓜

宿青林

故擾征人夜不眠怨風怨雨總徒然何如落盡林
中葉自少秋聲到枕邊

夢中

昨夜忽逢君容顏依舊好相別總多年夢中人不老

七里灘晚泊

諺云有風七里無風七十里

到此生人厭無風未易期地雖名七里船却過多時峽暗留天小山高吐月遲停橈燈火亂先有客舟維

禹穴

半山松栢半山雲今古流傳大禹墳拜石方知龍虎地讀碑難辨鳥蟲文八年報主心何切四日生兒泣不聞天地平成人永賴應教玉帛累朝焚

富春江

羔羊裘做不勝寒僕僕風塵未得閒終歲踏殘江上路雙眸過盡浙東山雲中塔立知城近篷頂風回覺水彎爭似一壺兼一卷擁爐獨坐掩柴關
早春寫懷東翁康飴舍人

兒女睽違又數旬驅車走馬日風塵每愁遇事忙無術不信爲官久更貧明月伴人常待旦梅花笑

客不知春何時得遂偷閒計一向湖邊問主人
疊前韻東常子兼郡丞

何曾開卷動經旬對鏡羞看滿面塵連日停盃緣
酒病舊年無集是詩貧忽驚鐘響山將霽不見花
開地未春碌碌相逢堪大笑君為能吏我勞人

斬鹿滄沈南疑以鹵湖曉泛詩見貽依韻答

之

步盡長堤始放船一篙搖動水中天花猶淺淡初
當露柳不分明乍著煙塊壘澆開金谷酒雲山題

入錦囊箋笑君無事歸何早不見三潭月影圓

二月七日隨制撫諸公恭迎

聖駕二首

太平 天子出皇都滿路春風到古吳河畔已沾

千里澤

近河郡縣屢蒙軫恤

江南更免一年租

詔免廿八年錢糧

龍隨天影中流見人共山聲兩岸呼外吏久疎朝
會禮聯班先問大鴻臚

問俗觀風訪帝丘

親祭大禹陵回鑾復至金陵

遐方誰不慶

宸遊錢江依舊東西浙淮海安然上下流

閱視上下河以

及海但願人皆良百姓敢云臣是古諸侯深恩久
已慚無補更拜龍章錫命優同事廿二人俱晉階一級賞賚有差

武林卽事

終歲無時不簿書非關事冗是才疎一人常挽三

人篆予方守處乃命署臬司事未幾武林郡事又命兼攝矣五馬頻加四馬

車武穆岳王新廟貌臬署乃岳舊宅今仍祀其像文忠蕪子舊

庭除東坡兩官杭州芳名但得傳千古生歿升沉總緒餘

余以台州司馬移守栝蒼未數月武林缺守

制撫二公疏請調繁冢宰拘故事不允口

占三絕句

封章飛驛上楓宸司馬中丞命意新能使此翁

來此郡湖山管領一詩人

三年身帶赤城霞今向南明玩物華自分無緣歌

舞地劉郎原只愛桃花台州有桃源處州有桃花洞

依然五馬舊家風可否何嘗屬意中但恨鹵湖甘

讓與唐朝白傅宋蘓公

病中話別聶晉人

擬共鹵湖放畫船錦塘秋水六橋煙擔囊竟去君

何急伏枕偏愁我未痊
兩地雲山勞一夢
他時風雨憶今年
若逢同學人相問
酒興詩腸近索然

賦得一潭明月釣無痕

持竿不問夜何如
雅意原來不在魚
為愛寒波深見底
况當飛魄照無餘
嚴灘漠漠羊裘冷
渭水清清鶴髮疎
幾欲收綸猶未也
箇中恐有故人書

曉登萬象山次韻

絕頂秋風更颯然
青藤攜處似衰年
綠從東去河流細
白向南來塔影圓
負郭雲開沙漠漠
繞城露

濕草芊芊可憐廢壘荒
臺畔一日人家一舉煙

秋旱

一自鹵風起簷聲
久未聞池乾難受月
山瘦不生

雲市少蔬成束

菜無全株先賣其老而黃者

村將米論斤

緡雲一帶

糴糶俱以斤記

城中人最苦得水數家分

衙齋漫興二首

嫌他案牘太勞形
少憇剛逢不理刑
半畝小園三種竹
幾枝垂柳一間亭
杯浮明月通宵白
座對南山萬古青
耳畔松濤聲謾強
如絃管關中聽

六年前尙是書生縱使荒殘敢不平詩比梅花尤
覺瘦心唯流水似其清寂無人語來寒暑常見鴉
飛落暮城但得偷閒仍可學則軒新取一顏名仕
優學優
之意

廢寺

廢寺知前代先賢字尙真松傳羅漢號花現美人
身破屋鴉聲惡寒灰鼠跡新香消燈滅後佛亦守
清貧

道上卽景

腹空老樹半身苔白石牌坊臥草萊斷井頽垣人
指點當初都是好樓臺

石塘題壁

轉過山腰又此家未曾三月兩停車門前旱後溪
無水屋裏冬初菊尙花糴米旋炊行客飯洗鐺先
獻主人茶方牀欲息長途倦僮僕頻催日已斜

次雙溪卽事偶感

博誰歡喜惹誰嗔總是知交亦苦頻性拙難行非
禮事官貧權作少情人雙溪賒酒斟明月十月看

唐詩言
花放小春只此玉壺冰一片煩君傳語故鄉親

枯蒼嶺雨後疊前韻

浙東山未有萬仞枯蒼雄外面層層合中間一一
通殘雲歸壑白返晚上峰紅毛髮森森豎寒吹洞
口風

晚行

亂山堆裏晚行人水見清波樹見陰白處幾行沙
宿雁黑來一片鳥歸林犬聲相接人家近兔影生
寒夜氣深若在故園當此際紅燈再剔酒重斟

曉行

一朝一夕一程程欲小停時百不能眼正昏來橋
偏仄腳難放處石峻嶒霜凝草樹明如雪氣撲髭
鬚冷結冰羨殺日高貪睡美白雲深護兩三僧

白雲山二首

朔風聲裏雪初晴踏雪凌風上翠屏絕頂正愁三
折路半腰誰構一間亭無人尋處梅全白任歲寒
來石夏青清磬忽從雲外落老僧方課午時經
寺在青霄第幾重門深不見白雲封林中時過生
風虎潭底常歸帶兩龍繞屋無牆多種竹過橋有
路半栽松卻因翠色交加處遮斷窗南四五峰

三巖

走盡平原忽有山樹根蒼老石頭尖春來翠滿雲
三洞兩後珠垂水一簾空谷擊成聲歷歷

洞中片石扣之

有聲如鼓丹泉流作影纖纖

水從石竇中出色甚紅置之器中則仍清矣

題

詩鑿破層層壁我亦來將姓字添

南明山

郡樓南望此蒼蒼今見人煙在下方上去幾層雲
作路生成一段石為梁低頭古洞開門小拂面青
蘿掛樹長村酒一壺人兩箇懸虹巖畔老梅傍

石門洞瀑布

霹靂聲尋在此間滿篙撐入兩重山也知是水偏
多幻雖號為門卻不關李太白題詩調古米元章

寫墨痕班未曾謝客堂成日靈運開山後早有僊
人煉大還

男
均培全校字

葛莊詩鈔卷九終

葛莊詩鈔

庚午起
癸酉止

遼海劉廷璣玉衡一字在園著

卷十

庚午元日

二千石豈是微官日坐山城耻素餐易度光陰三
十八未成事業幾多般春同楊柳經年別人向梅
花隔歲看遙拜薊門何所祝吾皇神聖母平安

過嚴州有懷諸同事

曉別桐廬縣嚴灘瞬息中水肥連夜兩帆飽半天
風樹影山山碧花光岸岸紅便從城下去不及訪
諸公

題子陵釣臺二首

一嘯雙臺上桐江百尺深曠然懷渭水同釣不同
心
曾見淮陰市畱名亦有臺可憐垂釣者一去不歸
來

去年畿內大旱奉

詔蠲賑

數百萬蒼生春來地未耕那能寬 聖慮况復近
神京昨有家書至纔知米價平天時需補救關係
望秋成

早春道上二首

起來不辨夜何其鐘爲雲深出寺遲僮進一盃燈
下飯客蹇數里月中幃七星漸轉朝東柄綠萼應
開向北枝遙對今年春色問可容收入錦囊詩
煙起山南又一村蕭蕭半掩雨中門水尋舊歲來
時路草返窮冬後魂雙竹肩人凌石磴數椽畱

客住雲根冷風吹透衣衫溼纔覺衙齋坐處尊

過桃花嶺口占

報道春從嶺上回行春匝月始歸來乍寒乍暖天
無定幾樹桃花雪裏開

過永嘉和劉裕公太守東甌懷古韻

一片花明百鳥和白雲猶見嶺頭多白雲嶺陶弘景隱居風

生夜響僊巖名山樹日出潮翻蜃海波無限煙霞邀

客住有靈山水待君過不知署字排衙後王謝堂

中幾醉歌王羲之謝康樂俱為永嘉守

雨中裕公枉顧以過處州詩見遺依韻賦答

半城草色半煙鬟無可關防可不關久未開尊緣

俸薄間常得句為心閒畱君暫止雲中駕過我同

看雨後山東去石門七十里此間佳絕試躋攀

過青田有懷劉伯溫先生

誰識鹵湖一片雲公嘗遊鹵湖見異雲起鹵北眾以為慶雲公乃大言曰此天子

氣也有王者起吾當輔之萬山堆裏出元勳當時共比明良會

後世偏將鬼怪聞丞相無端窮地脈胡惟庸以舊忿使人陷公

欲談洋司先生有意秘天文臨終以天文書授其子璉進上且戒之日

勿令後人習也 晚年不辟留侯穀豈為剛君異漢君

題高東嘉撰琵琶處 在郡城鹵姜山上舊有懸藜閣

琵琶一曲寫幽懷自是千秋絕妙才歌舞場中傳

故事蔡邕真箇狀元來

題秦少游監酒稅處

地僻官微亦可休仰承風旨更苛求當年詩句能

招謗不但東坡有少游 公以增損實錄貶此因有市區監罷魚豚稅來與彌

陀共一龕之句使者又以曠職効罷

題少微樓

獨上高樓思渺茫樹頭新月夜昏黃如何處士星

臨處不在巖灘在枯蒼

題宛亭

寂無人語但山青繚繞茶煙午夢醒手把劍南詩

一卷柳陰深處水邊亭

榴花初開口占

過盡繁華四月中一株射日小窗東那知不借春

風力卻比桃花分外紅

官衙

官衙並不如村舍雞犬之聲杳不聞放翁詩門如村舍強名官
溪水忽生終夜雨山峰頓失滿天雲吏人漸老無
真語案牘雖繁半具文碌碌無奇都似我教誰麟
閣建殊勲

小齋

小齋不大費經營舊屋三間補綴成徑爲沾泥鋪
石子簷愁射日蓋松棚築臺遠對南山色栽竹新
添夜雨聲寂喜牆花同砌草不煩人種自然生
過夏煥章司馬衙齋

司馬堂東屋幾間畧加補綴迥非前地卑易溼增
三板簷矮遮風去數椽雨後天如新竹翠夜來月
共小窗圓清芬忽向牀頭過牆外人家解種蓮

由枯蒼再攝武林

侵晨騎馬夜操舟役役深林古渡頭一自前年除
枯郡兩番七月署杭州入城只道新來守到市都
傳舊日蜀山水曾遊橋再度鹵湖真箇解勾畱

武林事竣歸枯蒼

四十日中公事畢從人檢點舊雙旌案頭昨夜少

煩雜江上今晨無送迎
殘月夢回孤榻穩
片帆歸去一囊輕
此番更覺荒城好
不是逃名暫避名

九日舟中

笑余纔了簿書忙
帆掛秋風路更長
不是見人登寺塔
那知今日已重陽

過宣平曳嶺

風磴雲梯不記層
高山有路待誰登
可憐望斷山南北
一座茅菴一老僧

晤祝渭公大理時督北權

不意相逢處而能在武林
一尊通夜語六載故人
心南國春光別
湖月色深儘將公事了
山水待高吟

再贈祝渭公督權用蘇小翁韻

諸葛莊
有故山

與渭公同居此莊在京師

六年未得其君

攀書生
遠守荒殘郡
廷尉新司出入關

漢書弘農都尉理武

關稅出入者

雪後梅纔香
一路春來水自碧
成灣休言

囊裏渾無物
湖上詩多滿載還

富陽晚泊

尚餘二十里早見富陽城遠水兼天碧寒潮帶月生一燈山上寺雙戟岸邊營行李惟書卷何煩擊柝聲

上元前三日以讞事馳赴杭州幾兩月矣竟未一至鹵湖感而有作

開到桃花第幾枝宦遊人苦不曾知山中久負當時約湖上空留後日期病信醫言權戒酒俗親吏事少吟詩春光縱使能相待面有風塵髮有絲

蘭弼公協戎招陪蘇小看同官賦謝十韻

城市有巖阿追隨試一過倚欄新芍藥掛壁古藤蘿曲折藏書屋幽深避俗窩主人今北海太守舊東坡自覺風流甚誰云放誕麼有詩先贈鳥小看即席咏相思鳥二絕句無語不懸河露滴金華酒雲停玉樹歌欲歸仍未也不醉奈之何樓上鐘聲早堦前花影那夜深人散後回首月明多

送春

花落春雖去花開尚有春可憐花似舊催老看花人

述夢

浙水燕山隔誰言道路賒四千四百里一夜兩還家

山樓避雨

只此樓欄待客憑憑欄身在白雲層乾坤許大行多碍山水雖佳住未能把蓋頓忘醫者戒題牆恐惹俗人憎紛紛盡說前途險說了依然曉夜登

則軒卽景

戊辰夏六月量移來此住此間五株柳相與共朝

葉一枝一枝風一葉一葉露不覺已三年青青垂無數笑此太守宅乃種先生樹僕僕宦遊人可以思其故

馮公嶺遇雨

曲折上上頭一上數十里仰視但蒼蒼去天應無幾覺有殷殷聲雷從腳下起飛送雨瀰漫其聲猶未已回首萬山深大非晴時比老樹立如人陰雲流似水一步一徘徊行行復止止衆爲輿夫憂我爲農人喜

由松陽至遂昌道中作

收盡殘雲始放晴，滿溪水共板橋平。
經過一路少人跡，漸近小村聞碓聲。
疊石爲門從不鎖，依山作縣久無城。
勸農自是尋常事，敢以荒涼廢此行。

五日讌集

與爾臨風放好懷，古人事往不須哀。
田公子亦等閒耳，屈大夫今安在哉。
紅折山花瓶裏供，翠分隣竹雨中裁。
呼童引滿菖蒲酒，輸卻投壺客一盃。
衙齋偶成

鳩聲不斷雨霏霏，五月山城尙夾衣。
案牘完唯眠一榻，吏人散便掩雙扉。
動心以後言休易，回瞥從前事半非。
年少無知知漸老，水深雲暖負漁磯。

縉雲霍明府有雙鶴養之九年一旦見貽賦

謝

僊都僊令追陪久，頂上丹砂煉已成。
纔喜我琴今有伴，卻憐君月夜無聲。
踏花應憶河陽院，度嶺終隨子晉笙。
焉得兩人塵事了，仍期同跨上青城。
戲贈友人

蝸角蠅頭二十年似君誰不羨神僊只愁歸向揚
州去鶴背難禁十萬錢

清晨

爲訪蓮花近若何清晨獨向板橋過忽然葉上清
風起搖落珍珠一斛多

對鶴篇

或曰爾能壽或曰爾能僊古多作此語我意頗不
然人生自不能滿百何以知爾能千年眼前曾見
誰氏子騎爾白日上青天我之所好不在此而在

聲音並舉止有時愛登山有時亦臨水有時獨立
草亭邊有時雙睡花陰裏嘹唳三更孤月明踟躕
一陣清風起蕭蕭官舍寂無譁相對盤桓惟此耳
若云托此見孤高恐以示人人見嘲匹馬成都有
深願只許千秋趙清獻

苦雨

雨後關心郭外來天涼那得稻花開水吞平地疑
無路雲沒斜陽又起雷今尙未妨惟苦瘦後仍如
此恐成災窮民再不堪饑饉欲草封章奏玉臺

居所

石塘旅夜

孤村一榻旅魂驚不是天明是月明
枕畔奔騰風
兩驟半年三聽此溪聲

秦女捲衣二首

獨倚薰籠坐雙眉蹙不開入宮今幾載
豈爲捲衣
來
只爲捲衣裳宮中誰不可臨鏡
幾躊躇瑣事何須
我

遙送渭公期滿還

朝兼呈乃兄石公時爲

盧溝司馬

不能來與話分離都負三秋握手期
共事豈無同
輩在此心惟許故人知船應載去
江南月馬但馱
回道上詩定向盧溝橋畔宿好傳
六載夢中思
閒來

如不在城市斜陽明草亭院橫雙樹
古牕立數峰
青小鳥羣相語幽人獨自聽閒來
理舊業筆墨久
凋零

秋夜二首

獨愛月明不寐彈琴初罷開尊如此清光鎔過人
生幾個黃昏
落葉打牕風急殘書堆案燈明一陣長空哀雁帶
來無數秋聲

再過石門洞自和前韻

選勝探奇又此間山應知我我知山雖然樹密常
如鎖一任雲行總不關壁掛飛泉風雨驟苔侵古
碣姓名斑小橋隔斷紅塵路只有斜陽倦鳥還

石帆道上

逢着高臺便一登曲闌干似待人凭風收雲淨天
無際水漱沙明岸有稜山但佳時皆雁蕩酒當美
處卽蘭陵愧余空抱林泉興欲拂衣歸竟未能
聞道上人語喜占絕句

一揖相逢大道旁寒溫不語語農桑做鄉樂事君
知否稻穗今年箇樣長

懷友

一別數千里兩年無信音夢魂秋水濶風雨夜牕

深頻下陳蕃榻能分鮑叔金新交應不少誰是最
知心

冬日道中卽事二首

添一羔裘尚不支野風搖動老松枝浣衣指冷溪
邊婦採柏身輕木杪兒半帶酸甜茅店酒漫無平
仄土牆詩此間雖小堪休駕底事茫茫恐去遲
夢魂剛得到吾鄉雙竹肩人犯曉霜溪上似煙浮
水氣雲頭如錦透霞光兩株古樹山神廟一帶疎
籬衲子房又見寒梅爭作蕊想來猶是去年香

哭女

正憶珍珠掌上圓忽聞書報已重泉于歸海國三
千里只在塵寰十九年衣冷但存當日繡釵分仍
是舊時鈿沒時以彩衣一件簪七枝分寄臨危忍向家人說見此
還如見我然

漫興二首

誰謂宦遊俗甚我乘雅興悠然萬象山頭醉月三
巖洞裏烹泉
出郭平橋水滿遠村一樹花明邂逅逢人不語夕

陽馬上詩成

題高正方都閩別業

花草草各欣然只爲官閒地也閒池淺正堪供
洗硯牆低卻不碍觀山未須畱得春常在若可懸
時畫一般猶恐客來無醉處小亭添座水中間

遊白雲山三首

一川晴日午風微立馬橋頭換夾衣無那今春春
色早楊花二月繞亭飛
畱得山花一半紅山僧一笑客相逢
芒鞋布襪經

行處應是城頭指點峰

不獨僧多愛此棲那知山亦借僧奇
數層雲裏懸孤榻百丈峰頭鑿一池

鹵湖竹枝詞三首

雲散花飛寺寺空枉教惆悵兩高峰
小姑牽嫂頻頻問何故燒香禁阿儂

紅樓如舊倚斜陽當日春風放海棠
曾幾何時花落了蕭娘還不似徐娘

指蕭九娘也

湧金門外未昏黃對對弓鞋上岸忙
誰不愛遊明

月夜恐驚花裏睡鴛鴦

三月二日早起卽事

呼兒扶我出空庭
醉眼初醒夢亦醒
掃地殘花飛片片
撥灰宿火剩星星
柳搖細雨千絲翠
山入疎簾一帶青
來日祈天須少霽
滿城人要到郊坰

將遊三巖洞以公事不果兼值陰雨

春於何日到山城
欲就三巖問早鶯
昨喜殷勤僧有約
今嫌煩劇吏無情
桃花莫作風中片
溪水應添雨後聲
寄語山靈當小待
朝來走馬一鞭晴

遊三巖洞二首

春約三巖洞裏尋
無端一雨阻經旬
遲來已惹桃花笑
長嘯應生谷鳥嗔
堦有斷碑知寺古
鐺無佳茗覺僧貧
但將潭底澄清水
借與遊人洗面塵
花在樵夫擔上紅
可知春事已怱怱
高低馬信新晴路
單夾衣更卓午風
載酒遠投山色裏
邀賓同坐水聲中
猶然太守猶然醉
慚愧滌亭六一翁

贈別

休將絲竹奏離聲
滿目煙雲萬里情
若向長途一

回省青山多處枯蒼城

埜廟

埜廟前頭構一臺空山寂寞鳥聲哀
殘樽剩燭縱橫處昨夜有人歌舞來

入行春門

一鞭欵段石橋東兩袖攜歸綠埜風
仍是草多人物少何分城外與城中

卽事口占

日長更覺此身閒防病休教飯後眠
我正起臨千

字帖客來笑吐一筒煙風生雙舞空
庭鶴兩過高吟老樹蟬忽接故交書
半幅言詩勿若宋人然

張南村避暑白雲山卻寄

日當小院炎如炙雨過空堦溼似蒸
獨有幽人亂峰裏滿頭白雪一心冰

偶成

一榻清風一枕山在官閒比在家閒
雙扉竟日無人到不爲關防也合關

壬申卓異方面官 賜蟒衣一襲

大中丞奏上 楓宸雲錦分頒五色新十二省中

同一日 真楚以督撫新 二千石裏第三人 余名第

旨特拔 垂裳有道逢 平世補袞無能愧小臣說

與諸公應共曉 聖朝察吏為安民

寄懷祝渭公員外三首

憶管勞君折柬邀 上言斗酒下詩瓢 看完一笑懷

衣袖冒雪騎驢過板橋 所居地名

何以為情慰別離 關山不隔夢魂知 分明昨夜看

雙鬢君尚堆鴉我竟絲

前年宦興約同心 何日丹書下 紫宸山水有緣

天作合不妨一地兩詩人

虎跑泉用東坡原韻

一路松花栢葉香 到來心便覺清涼 光陰共向忙

中短滋味誰知淡 裏長摸石浪傳神 虎事煮茶閒

試老僧方武林城市人 如蟻若問曾遊半未嘗

湖上絕句 余以兼攝郵務住武林甚久

佳人才子兩蘓蘓 添我常來入畫圖 醉月尋花兼

看雪此番庶不負鹵湖

醉後口占示客

興來隨處可言歡，怕聽人言興盡還。
我不欲眠君莫去，少焉有月上東山。

諸暨道中

絕世佳人去不回，吳宮越國總塵埃。
一溪秋水明於鏡，曾照芙蓉素面來。

題顧六紀畫冊兼送歸吳中

數千里路幾斜暉，遊興翩翩入翠微。
冒雪不愁梅嶺滑，時由粵來浙看山能到桔蒼稀。
收藏丘壑胸中滿，

驅使煙雲筆底飛。聞道姑蘓非往昔，
挽回風俗待君歸。

次蘭溪殷明府以近稿見示賦答

勞吏奔馳不計年，一年幾泊此城邊。
城牆半列居民屋，水路三分過客船。
供應雖繁能不擾，轉輸有法得安然。
偷閒吟就詩如許，更見多才令尹賢。

次雙溪

作伴唯書卷，悠哉一葉浮。
雪消溪岸濶，風轉布帆收。
雲過無聲雁，沙眠自在鷗。
舟人殊解事，泊向酒

家樓

病時以攝篆
事畢回署

歸喜山城靜不譁不如意處病交加愛看好月常
欹枕強對名花只飲茶多事之中心若水三年以
內鬢非鴉邇來豪氣消除甚未敢人前半語誇

夏日漫成二首

不似在官衙蕭然埜老家閉門三徑竹隱几一瓶
花有月池先覺非風柳亦斜圖書千萬卷原是舊
生涯

那能無事事事畢卻心閒欲試新沉水常燒小博
山簾垂窗四面榻下屋三間坐勝炎炎裏車塵日
往還

雨後登郡樓有作兼示趙汪二幕寮

海靜天空六月秋憑欄身似泊虛舟幾灣流水環

孤郡四壁蒼山抱一樓顧我有懷常浩浩于人何
事不休休古今曾否滄桑變請向沙邊問白鷗

題萬松嶺

聖廟

張大中丞命杭州李太守
修孔廟建書院命士子

讀書於此

七十二峰峰卓然前人曾象孔門賢

廟左有石峰七十二處比

七十二賢人

仰瞻峻嶺東山下回顧澄湖泗水邊蒼翠

三冬松接地光明終古月經天春華秋實傳吾道
太乙藜常午夜燃

雨後郊行

雨霽川原濶荒村靜掩扉鷺逢秋水住鴉背夕陽
飛滿路蕎花白誰家豆莢肥民從憂旱後得此暫
相依

觀音寺卽事戲題

經年無客到古寺一僧殘閉戶溪聲遠登樓埜色
寬木魚敲日晚草榻臥雲寒莫說茶公案茶盃體
不完

秋日卽事二首

誰將絃管弄昏黃萬木蕭蕭易感傷開遍芙蓉秋

漸老最繁華後最淒涼

豈無幽事向君誇
獨坐焚香散曉衙
遠客書貽秋後
芥
塾人盆獻雨中花

題畫二首

山靜溪明處幽人坐
樹紅可能塵事了
來共此亭中

大雪滿前山
小橋通曲路
驢背一詩翁
手執梅花度

中秋醉後題

不說與君君不知
請君痛飲一千卮
人生幾箇中秋夜
况遇晴明皎潔時

九日登萬象山僧樓二首

百尺峰頭強一攀
菊花羞插髮毛斑
故園只在欄干北
渺渺煙雲疊疊山

捲地長風兩乍開
鐘聲遙下白雲來
白雲山名病餘戒酒
今三月聊爲黃花一舉盃

晚晴漫興

幾陣風狂作晚晴
夕陽動處紙窗明
黃花久插瓶

無恙活水纔煎火有聲得句敢云初盛晚揮毫漫
學草真行古人遺意渾難測一代名家各自成

舟中卽事三首

滿林落葉少炊煙揀箇沙洲夜泊船旅雁數聲山
外月寒星幾點水中天酒無沽處隣舟借潮未生
時賈客眠一帶蘆花蕭瑟景篷窗得句意悠然
篷外霜寒被裏知凌晨底事苦奔馳順流已歷千
山過小泊猶嫌一棹遲白浪中央逢石磊浮屠頂
上見松枝何如故里平原處正是呼鷹躍馬時

白雲紅樹遠分明坐穩中流一葉輕對岸寒溫舟
子話出村恭敬里人迎灘過麗水聲尤壯山到青
田勢漸平報道晚潮當夜半櫓搖殘夢下甌城

江心寺

一寺孤懸兩塔危潮頭風緊亂帆飛峰巒拔地青
三面波浪翻天白四圍丞相儀容畱正氣寺左有文信國
祠高宗手筆見清暉顏額清暉二字隔城煙火人
家近靜聽鐘聲度翠微

冬日望田家

幾間茅屋兩扉柴一任人敲午未開稚子聞聲驚
不定老翁拱手問何來小箱大困藏新穀淺甕深
瓶貯舊醅美彼百年如此過并忘泉石况塵埃

五更

五更聽罷枕邊鐘開戶茫茫萬里空月白霜寒塵
不起乾坤都在水光中

答同官

問我何由常閉關簿書堆裏得清閒諸君卻有不
如處管領括蒼無數山

偶成

一路看花到錦城後來無數馬啼聲康莊儘有崎
嶇處獨自垂鞭緩步行

往視通濟堰過碧湖卽事

霜落深潭徹底清年來雞犬樂昇平隆冬閭里無
寒色卓午魚鹽有市聲鄉長指門求一額染人收
布讓雙旌爲勤民事需民力猶喜工夫不日成

修通濟堰得覃字二十四韻

廿載兵荒後居民半草菴有田全借水得堰每成

潭自古資為利於今地不堪欲修無實意相聚總

空談父老心常切參軍事頗諳謂經歷諸君當暇

日同我一停驂相度基雖壞經營勢可探隣封求

大匠附近役丁男冶鐵飛紅燄搜材斫翠嵐淵淵

尋故址壘壘立新龕手上千鈞轉肩頭數里擔溝

深應費鋪沙擁急需籃防漲開松閘分流賴石函

水多則開閘以泄之又恐潦水勢大橫人謀天意

衝水道另建石函于上浮過兩不相碍合兩少日光涵先後成功一均平立則三上源中源下源

各定放水時刻以息爭端自然東作好無復旱生愜夏喜禾苗

秀秋當稼穡甘門前衣浣白堦下米淘泔事事行

無礙年年樂且湛躋堂羣致頌撫案獨懷慚已力

何曾用天功未敢貪古人遺法善後世被恩覃在

宋推何相同時有范參何丞相澹范參知成大俱大有功于堰者莫忘

垂創者司馬二詹南梁天監中詹南二司馬創始

蘆灣打魚歌

蘆灣打魚不用船只用連牽四五竹竹上往來便

且輕禿袖短衣赤雙足非竿非網亦非罾漁家養

就鷓鴣熟鷓鴣捕魚若鷹揚魚避鷓鴣如兔伏三

唐詩金
三兩兩入深潭大者在口小者腹須臾力倦各紛
然淺水灘頭攢一簇檢點籃中潑刺多欣欣歸向
南山麓南山之麓另一村幾家茅州斜陽屋

靜坐

勝如奔走費光陰靜坐衙齋見素心雙鶴無聲三
徑寂一塵不動萬山深東鷗過客投霜橘上海遊
僧募俸金若說與人堪大笑探囊唯剩九秋吟

冬至

縱然僻郡少人家亞歲爭教故事筵滴滴水聲中

署宇蒼蒼山色裏排衙與梅有約詩情動欲雪先
寒酒量加賴得豐年租賦足神祠社鼓好頻敲

鮑太學來枯知郭价人侍御近况卻寄

聞在長安只閉門容耽詩酒卽君恩詩成無一

牢騷句酒熟常開適意樽跨我蹇驢殊自得昔年曾贈

侍御視他驄馬未爲尊但逢盛世人求舊肯許

飄然郭外村

吳寶崖寄詩依韻賦答二首

天知癖性愛躋攀特許閒身着此間終日逢迎惟

古木一官主掌半蒼山蘭生兌谷心多素遂昌有素心蘭

石采青田性不頑乘興肯來同嘯咏紫羅囊滿貯

詩還

何須名姓早相投千里神交可唱酬笑我吟懷難免俗喜君筆力自然迺應教老手退三舍豈但時髦輸一籌不信試看秋榜上衆人中有此人不關

寶崖被放故云

封印後作二首

今辰暫卻簿書忙檢點終年守枯蒼曾有何言垂

不朽竟無一事建非常憂勤每落沾巾雨今夏老苦旱大惟添點鏡霜庭下古梅應記取此公嗅過六番香

曆剩終篇日不多偷春先拂午風和蝦鬚特為觀山捲龍尾忙因得句磨傍水亭邀雙鶴睡插瓶花引一蜂過遙聞金鼓街頭鬧知是村巫逐戶儺

姚華曾修撰到枯贈詩次韻賦答

才高從不自矜奇遠駕輜軒適所宜酌我三冬家釀酒讀君一路手抄詩身經僻壤雖枵腹眼過名

山足解頤除卻桐城姚太史箇中幽意有誰知詩來
有幽懷可使
旅人知之句

男

均
培 塚 全校字

葛莊詩鈔卷十
終

